



Bung 7:

## THUKAM THAR, JESUI SUAHNAK, LE TUKFAWRHNAK

### Kum 500 a rei hnuah

Daniel ih simcianak cu kum 500 lai a si zo. B.C 6 ah Rome in Judah cu biaknak zalennak a pe nan nasatak in saih a khawng thotho. Judahpawl sungmuril ih a um mi Biakinn khal cu an saksal zo.

Mi hrekhat cun Messiah thu ih simcianakpawl an theihngilh zo nan a hrekhat cun Pathian dan an thlun ih, Khrih an hawl. Putar Simeon cu an lakih mi pakhat a si. Anih cu prophet-pawl ih an sim mi pa hmuh cak zettu mi thianghlim a si. Kum reipi ih simcianakpawl a siar ih, a tikcu a nai ti a thei. Tu ahcun a tar zo ih a nung rei nawn lo men ding. Na ci ih a ra mi in misual pai hnatuannak a siatsuah ding tiah Eve hnenah Pathian in a rak simcia mi cu kum 4,000 a rei.

Tu hi a can a si. Simcianak 350 lenglopawl cu an famkim thluh thlang.

6 B. C.

Maw Abraham, Isaac le Jacob-ih Pathian rundamtu ka hngak zo, asinan reipi ka nung nawn ding fawn lo

*Reipi na nung nawn lo ding nan na thih hlanah tiamcia mi fapa cu na hmu ta ding.*

Micah 5:2 ahcun cui fapa cu Pathian vekin catuan mi a si a ti. Saam 45:6 ahcun Pathian in fapa cu Pathian tiah a ko.

Mi malte lawng in an lo lungkimpi ding ruangah na thu cu mipi hnenih na sim lo a tha ding; cu lole an lo deng that ding.

Na hmu leh ding. Ka thih hlanah Messiah cu hi biakinn ah a rung ding ih, ka hmu leh ding a si

Nan thurel mi ka thei ihka um men thei lo. Kei khal Bible ka siar ve ih, a liamcia mi kum 500 ah Daniel in Messiah ratnak can a simnak hu ka hmu.

Cangantupawl (Scribes) hmanih an theih lo mi ziangtin na thei?

Simeon cun cathianghlim a hawl ih Khrih thu ih simcianak tampi a hmusuak

Simeon, nang cu nitinte hi hmunah na ra ringring. Puithiampawl khal nangmah vekin sakhua ngaihsak hai sehla ka duh nan.

Isaiah sung ih Khrih thu a simcianak hi ziangtin na ruat? Hitin a um, "Fala him in nau a pai ding ih, fapa a hring ding. Hi mi cu Eve hnenih sim mi nunau ih cithlah a si ko ding.

A si. Isaiah in hitin a sim bet, "Anih cu a cak mi Pathian," tiih kawh a si ding.

Hi pa hi dik men ding so khaw.

Zo so na si? Ziangtin hivek thupawl na thei?

**Ka pa hi cangantu a si ih hi simcianakpawl in hmuh a si. Jerusalem dinal ding ih thupek an suah ihsin Messiah an thah tiangah kum 483 a rei ding tiah Pathian in Daniel hnenah a rak sim.**


Cui thupek an suah ihsin tuini tiangah kum 449 a si. Tu cu kum 34 lawng a tang thlang ih cuti a si ahcun Messiah cu lamzin ah a feh thei thlang ding.

A si lo, a kim hrih lo. Ka thih hlanah naute Messiah ka hmu ta ding thu Thlarau Thianghlim in in sim a si.

Cu vek pawl ziangtin na thei?

Na thei leh ding.


Simeon cu a tar deuhdeuh ih Biakinn ihsin tiamcia mi Khrih a hngak laiah Puithiam Zechariah cu thlacam dingin Biakinn ah a feh. An nupa in a tar zet nan fate an nei thei lo.



Hmakhatteah biaktheng vawrhlam kap in vancungmi a hung lang!

Tih hlah uh. Nan thlacamnak cu ngaisak a si ih, na nupi Elizabeth in fapa a hring ding ih a hminah John nan sak ding.

A suah tikah mi tampi an lung a awi ding, zianghtile anih cu a ra lai ding mi Messiah ih lamzin sialtu a si ding. Anih cu zu a in lo ding ih, Thlarau a davng ding ih, Elijah-ih huham a ngah ding.




Na sim mi a dik ti ziangtin ka thei thei ding? Fa nei dingah kan nupa in kan tar tuk zo, cui tlunah ka nupi hi kan sansung nucing a si.

Kei hi Gabriel ka si ih, Pathian hmaiith dingtu ka si, hi thu lo simdingih thlah mi ka si. Hminsinnak na duh maw? Hi mipawl a ra kim hlan sung na tawng thei nawn lo ding.




Hi thu kan rel tlang thei tikcu ahcun ka lung a awi nasa ding. Hi inn hmuaah a dai reprep theh a si si. Vancungmi hnenah rak tawng bet lo ding na si nan.

Zechariah, hi mi cu zum harsa zet a si ve tho tho ual. Kan rampi ih nu Sarah vekin Pathian in kan thlacamnak in cohlang ih kei khal hi prophet ropi ih nu ka si thlang ding



**Kum 400 sung prophet in Messiah ih ratnak ding thu a rak phuangcia. Kum 700 a liamcia mi ah prophet Isaiah in hitin a rak sim, "Zoh hnik uh, fala him in nau a pai dingih fa a hring ding, a hminah Emmanuel nan sak ding, a ti can cu "Pathian in in um pi" tinak a si."**

Mary cu Joseph thawn nei aw dingin hualhamnak an tuah. Mi zo thawn hmanin an pawlaw dah lo. Anih cu Mawsi-ih dan thluntu a si.



Vawi leh khatah vancungmi cu Mary hnenah a runglang.

Mary, Pathian ih mithmaitha na congah a si. Nau na pai ding ih, Pathian fapa na hring ding.

Mipa thawn ka thei dah fawn lo ih, ziangtin cuvek cu a cang thei ding?

Thiang Thlarau in a lo thuum ding. Na nau thianghlim cu Pathian fapa a si. Na laicin Elizabeth khal nucing asinan tu ahcun naute thawn a um ding. Thla ruk a si zo.




Kei cu Bawipai salnu ka si. A duhdan vekin ka parah si hram seh.

Kei cu Pathian fapa ih nu ka si thlang ding. Joseph in i zum pei maw? I theihthiam sak pei maw? Nau ka pai ti mi zakip in an theih tikah ziangtin in ruat pei? Ka thei zo, ka feh ding ih, Elizabeth thawn kan um tlang ding.



Elizabeth

Mary,  
ka fa!



Nunau lakah thlwsuah mi na si, na sul ih rahsua khal thlwsuah mi siseh. Zo si ka si ih, ka Bawipai fapa ih nu ih in ra tlawn hi? Na aw ka theih veten ka pumsungih naute cu lungawi in a khir a si.

Ka nunnak in Pathian cu a thangthat taktak a si, ka thlarau khal rundamtu Pathian ah a lung a awi. Tui si thawkin mi hmuahmuah in thlwsuah mi nu tiah in ko ding, zianghatile anih cun thil maksak a tuah zo a si.

Anih cun kan nih vek mifarah tla in cawisang a si. Kan pa Abraham hnenih a sim bangin a ngilneihnakin in mang a si.

Mary cu Elizabeth hnenah thla thum hrawng a um.



Elizabeth ih nauhrin can a cu.

Zechariah cu fapa a si ding ti a fiangcia. Vangcungmi in a simcia ruangah a si.

Fapa a si ahcun apai hmin thlun in Zechariah sak sehla a tha ding a bang.

Amah hinah a ra. Amah kan sut hnrik pei.



Ka zum lo ruangah vancungmi in tawng thei lo ding in tuah a ti.

Naute hmin ah zo kan sak le a tha ding?

Anih cu cangannak cabuai a tul.



Vancungmi ih a sim vekin a hmin cu John si seh a ti.

Asinan John hminkeng nan sungkua ah an um si lo.




Mipa a si taktak, hmul ngah zet mi a si ngai ual.



**Bawipai tawngkam vekin a hmin cu John a si. Anih in kan Israelpawl hnenah Messiauh cu theihternak a tuah ding.**

**A tawng thei! Thla tampi hnuah a tawng thei.**

Simcianak ih Elijah a ti mi cu a si taktak pei maw?



Can rei lo te ah Mary in nau a pai ti Joseph in a run theisuak ih amai fa a si lo ti a thei cih.

Aw, Joseph, ziangtin na tuah pei?


**Ka nu, ka zum thei cuang lo a si. Tlangval in an thlun dah fawn lo. Ziangtik can khal ah a innsang mithmuh ah a um ringring. Kei in le zianghman ka ti lo! Asinan thu a um mi cu nau a keng ti a si.**

Atu-ah Mary cu ka nei thei lo. Asinan mipi hmai ih thlen cu ka duh lo. Uire ruangih denthat tuar thei a si. Kan hualhamnack hi a thupten thiatbal men sehla a tha men ding.



A pa cu zo a ti saw?

Naute-ih pa cu Pathian a ti, pawlawknack tel loin thlarau hmangin a sul sungih rung um a si.



**Aw! A thilung a hman nawn lo maw si?**

Naute cu Pathian fapa leitlun rundamtu ding a si a ti.

Cuvek nunau ih tawng cu Pathian thangsiat a si ual. A zamrang thei bik le a thupte ih ka then a tul.



Cui ni zan lamah Joseph a ihthat laiah vancungmi a hnenah a runglang.

Joseph, David fapa, Mary na nupi si dingah tih hrimhrim hlah, zianghatile anih cu thlarau thianghlim hmangin nau a pai a si. Nau a hring ding ih, a hminah Jesu nan sak ding, zianghatile a mipipawl sualnack sung in a run ding a si.

**Hi mi cu Isaiah ih simcia mi a famkinnack a si, "Fala him in nau a hring ding ih, a hminah Emmanuel an sak ding. A sullam cu "Pathian in in um pi" tinak a si."**



Mary, ka lo rinhlelnack hi ziangtin in ngaidam thei ding?

Hi mi thu cu thil maktak a si ti ka thei. Hi zat kum liamcia zum in le Israel nunau hi zat ihsin khawvel ih Messiah hringtu ding ih hril ka si cu!




Naute cu ziangvek a bang ding? Pathian lei taksa ih rung piang a si ding si khawh, a suah leveten a tawngthei pei maw? Ca siar teh a thiamcia pei maw?

Aw, Joseph, ka thei lo nan Pathian in a thei. Kan hngak hrih ding ih kan thei leh ding.

Kan pahnih in David-ih cithlah kan si ih, Prophetpawl ih an simcia bangin Messiah cu David-ih ci a si ding.

**Thu thar ka ruahsuak mi a um. Eden hmuan sungah nunau cithlah in rul cithlah a rial ek ding tiah Pathian in thu a kam. Tu-ah ka vun mang suak! Hi naute cu mipa ci si loin nunau ci a si a tul si si. Aheul! A tir ihsin Pathian in hi mi tumtah a nei a si.**



Joseph le Mary cu Galilee ram Nazareth ah an um, asinan simcianak ahcun Messiah cu Judea ram Bethlehem ah a suak ding ti a si (Micah 5:2). Rei lo teah, Mary cu khaw dang pi ah naute a hring ding. Simcianak an ngaihsak loh Bethlehem ih vung feh khal an tum cuang lo.

Ngai hnik uh, Rome lal ih thusuah mi hi, Ceasar amah rori in nemhngetnak a nam zo a si, Israel mipipawl maisuahnak khua ah nan kirsal ding ih, siahhawnnak hrangah nan hmin khum a si ding, cutin mipu msiarnak khal tuah a si ding.

Joseph, cuti a si ahcun Bethlehem ih na kirsal a tul pei cu, na um lo sungah nau a suak ding.

Ka um lo cun mipipawl in an theithiam lo ding ruangah ka lo hruai cih lawlaw ding.



Mary, lo hruai lo men ding ka si nan kan kirsal a va tul ding ve.

A si lo, naute a suah ah na hnenih ka um a tul. Zohman in an theithiam lo.



Peng 100 zikte an tlawnnak ah kar khat lenglo an rei.

Na ti thei ahcun kan zamrang a tul ding. A can a kim thlang ding ka zum.

Khualbuk ah riahnak a um lai maw ti ka vung zoh a ding.



Mary, in bawmtu ding nu ka vung sar.

Riahbuk ah khan a um nawn lo maw si?

Um lo, an khat theh zo.



Naurin veikhatnakah na titha a si. Cawpawl lakih a suah ding cu a va zangfah um ve..

Cuvek men in lo hnaihawwk hlah seh. Nikhat niah leitlun a uk leh ding.

A si, Bawi nu Cleopatra cu amah tuamhlawmtu a si ti tla na sim leh pei cu.



Ziang si?  
**Vancungmi  
an si cu!**

Vancungmi  
a thawng le  
a za in.

Nan thin phanglah uh,  
mikip hnenih thuthangtha  
sim dingah Pathian in i thlah  
a si. Nan hrangah, tuisunah,  
David khua ah rundamtu a  
suak, anih cu Judahpawl ih  
Messiah Bawipa a si.

A sangbikin Bawipa  
cu thangthat si ko seh!  
Pathian in leitlun ah daihnak  
a thlen zo a si, minung  
hnenah a lung a awi.

Hi mi hi nan hrangah  
hmainsinnak a si ding, vuinak  
puanih tuam mi, ran rawl  
einak kuangih hlum mi  
naute nan hmu ding.

Nan zum thei maw?  
**Vancungmi kan hnenih  
a runglang hi!**

Kan nupipawl  
kan sim hlantiang  
in hngak sung uh.

A tawng mi cu na  
thei maw? Israel ah  
Messiah a suak zo tiin.

A hmu ka  
va duh ve.

**Rundamtu!**  
Minung hnenah  
daihnak! Naute? Feh  
uh la va zoh uhsi!

Ka lo hnaihawkih  
in ngaithiam uh.  
Vancungmi in rat in  
sawm ih ka ra a si.

**Messiah cu!**

Pathian naute  
ah a rungchang ti  
cu zo saw a ruat  
dah ding?



Mary le Joseph in puithiam hnenih nau thar hmuh can le dan ih a um vekin thawinak an pek can a ra thleng.

Joseph, tu hi biakinn ih a rat hmaisabik can a si ih hi tawk umpawl zohman in Jesu cu Khrih a si ti an thei lo.

Midang sim a tul lem lo ding. A upat tiang ka hngak men ding.



Simeon cu biakinn ah a um.

Mary, zo a si?

Can saupi kan rak hngah mi cu hi pa hi a si!

Ka thei lo. Hi tawkah zohman in in thei lo.



Maw, kan Bawipa le kan Pathian thlawsuah in um aw. Tu-ahcun thin daiten thih ka man, ziangah tile na tiamcia mi na rundamnak ka hmu zo. Gentile hrangah tlennak a si ding ih, Israel hrangah sunlawinak a si ding.

Ziangtin na thei?



In ngai uh, hi naute in Israel ah mi hrekkhat a thoter dingih, mi hrekkhat a tluter ding. Cui tlunah amah dokalh in an tawng ding.

A si, a parih thil thleng mi nan hmuh tikah nan thin a kuai ding.



Zoh hnik uh! Messiah khi! Hi biakinn ah a ra zo. Prophetpawlih an rak sim mi cu hi pai thuhla a si.

Anih cu Anna a si. A san sung Messiah hngaktu a si.



Tlangvalpa, hi naute cu Khrih a si, leithlun rundamtu a si. Israelpawl an sualnak in a rundam ding.

Cui can ihsin Anna in tleunak hngaktupawl hnenah a sim vivo.





Pathian thei dingih a hawltu le khuahlan cangantupawl a ngaihventu nisuahnak lam mifimpawl an um. Messiah thu ih simcianakpawl an thei theh. Zanamng le hmuhnak in Pathian in an hnenah Messiah a suak zo ti a sim. Israel lam hawi ih Arsi maksak zet an hmusuak.

Kan thleng hla tuk zo. Kan fehnak hi ram thar a si. Cawlhkar tampi sung kan feh zo.

Arsi cu a feh vivo. A tulnak tiang kan feh vivo ding.



A netnakah arsi cun Israel ram ah a hruai ih a suak thar mi siangpahrang khuiah a um ti sut dingah Jerusalem ah feh.

Siangpahrang Herod, ni suahnak lam hla zetin len hmel zet mi pathum an ra ih Israel ih bawi thar suak mi naute kan hawl an ti.

Naute e? Siangpahrang e? Keimah hi siangpahrang ka si. Runhruai lut uhla puithiam sang le cangan thiampawl khal ka hnenah run hruai uh.



Siangpahrang suakthar naute tawng dingah kan ra nan ti maw? Ziangtin cuvek thil nan thei?

Amai arsi nisuahnak lam ah kan hmu ih amah be dingah kan ra.

Khui tawkah a um?

A umnak hmunc cekci kan theih lo ruangah na hnenah ka ra.

Bible thiam ka ko zo. Hi mi hu ah ziangtin an thei ve ti kan zoh pei. Hmun fairrial ah in rak thlun uh.




Hi pawl in a mipipawl a runtu ding tiih simcia mi Judah siangpahrang be dingin kan ra an ti. Nan cangan mi in cuvek thu a sim ve maw?

Nannih ih ruahnak men zianghman ah ka neih lo. Simcianakah ziang tivek cekci in a um?

A si, prophet tampi in a ratnak thu an phuang, asinan cuvek a taktak ih racang ding cu kan zum lo.

A tha, Prophet Micah in Messiah cu Judah hnam Bethlehem ah a suak ding a ti.



Keimah rori in siangpahrang cu ka be ding. Curuangah nan hmuh asile a umnak in sim uh.

A si ko. Kan hmuh leveten thuhla kan lo theihter ding.

Siangpahrang a suah thu a theih tikah Herod cun a tih tukih cui naute cu a hmuhvetei thah a tum



Cangantupawl in naute suahnak ding tiang an theihdan cu thil pakhat a si ko. Asinan anmah tak cu an prophetpawl thawn an dangaw tuk lala fawn.

Israel prohet pawlih nganmi dang ta vek a si ko. Kha vek dik zetih simcianak ka hmu dah lo.



**Zoh hnikuh!  
Kan hmuhcia  
mi nisuahnak  
lam arsi khi!**

Hi mi khal hi arsi dang vek a si lo. Arsi dang vekin a thawn loih cui tlunah a tleu hleice cuang.

A umnak hmnsin awla thaizingah ka thlun ding.



Khinah, khi inn zawn ah a cawl. Asinan cu mi cu Bethlehem a si lo! Thla tampi a si zo. An rak thawn zo tla a si men ding.

Hi mi cu arsi danglam taktak a si. Khawdur hnak cun a sang lo ding.

Kan ratnak a sau tukih kan thleng zikthlang ko ding.



Lo hnaihnaawk cu kan duh lo nan siangpahrang suak thar be dingih kan ra pawhnak cu cawlhkar tampi a si zo.

Ziangtin na thei?

Mikip in cathianghlim kan siar nan prophetpawl in a ratnak thu an simcia, cui tlunah hi hmun in hruaitu ding arsi a lang ih tu rori khalah nan inn tlunah a ding lai.




Hnuaidawrnak thawn hi laksawng fate hi leitlun rundantu upatnakah kan hlan a si. Mitampi dingfelnakah a hruai ding.

Cui zanh, Pathian in mifimpawlih mang ah naute an hmuh mi Herod hnenih sim lo dingin le lamzin dangih kirsal dingin a sim. Joseph hnen khalah Egypt ramih tlan dingin a sim, ziangah tile Herod in naute cu that dingin a hawl ding.



Ni tlak lam mipawl  
in in bum riar a si hi. Lam  
zin dang in an tlung. Naute  
an hmuhngah ruangah in  
ti ti a fiang.

Ka thupek mi hi Bethlehem  
ah hei kuat uh. Kum hnih  
hnuai naute hmuahhmuah  
that theh hai seh.



A liam cia mi kum reipi  
ah khan riahsiat thlak za  
Bethlehem ih a thlen  
ding thu prophetpawl in  
an sim cia.



A liam cia kum reipi ih Joseph a rak  
feh bangin Joseph le Mary cun naute  
cu Egypt ah an tanpi. An  
khualtlawnnak le Egypt ih kum hnih  
sung an umnak cu mifimpawli  
laksawng in a daih theh.

**Herod a thih hnu ah Jesu cu  
kum hnih a si ih, Pathian in  
Israel ih kirsal dingin a fial. Hi  
mi khal hi Bible ih a sim cia mi  
famkinnak ah a si; "Ka fapa cu  
Egypt ram ihsin ka kosuak."**



**Egypt ihsin an kirsal tikah vancungmi in  
Nazareth ih kirsal dingin a sim. Hi mi khal  
hi Bible ih a sim cia mi, "Anih cu ni  
suahnak lam mifimpawl in in bumngah zo a  
si. Lamzin dangin an kirsal. Curuangah  
naute an hmu ih hi lamzin in an rakirsal  
ngam lo a si ko. Nazareth mi a si," a ti  
mi a famkinnak dingah a si.**

Jesu cu a pa thawn kut  
zungthiam hnañuannak  
hmun ah an ñuantlang.  
Taksa in si seh, thlarau in  
si seh a ñhang ih mifim  
zet ah a cang.

Ka milai panga  
in sunvu in hna an  
ñuan ding maw si?  
Ra uh la rawl  
ra ei uh.



Jeremiah 31:15;  
Hosea 11:1; Mathai  
2:13-23.  
Jesu kum hleihnih a  
kim tikah Joseph cun  
lantapuai tuah dingah  
a insangpawl cu  
Jerusalem ah a hruai  
hai. An sualnak  
hrangih hlannak tuah  
dingah tuufano an  
keng.

Jesu, puithiampawl hnenah  
tuufano hi hei keng aw. Thaisun  
ih raihawinak kan tuah hlanah an  
lungkim mi a sita a tul. Kan  
riahnak ding tla kan hawl a tul.

Ka pa, Jesu thawn  
Biakinn ah kan feh  
thei pei maw?




Thawinak an tuah ih  
ni tampi a rei hnuah.

Joseph, khui  
hmanah Jesu kan hmu  
lo e. Sun ni tlakah  
zohman in an hmu lo.

Jerusalem ah kan tanta  
a si ko ding ka zum.

Asinan kan tlung  
ding ti cu a theih si.  
Kan sungkhatpawl  
hnenah a um ko ding.

Kan kirsal  
ih kan hawl duak  
a tul ding.



Profetpawl ih an sim cia vekin  
Messiah cu David fapa a si  
ding tin an zaten nan lungkim ti  
aw. Cuti asile ziangtin Messiah  
cu David-ih fapa le a Bawipa a  
si thei ding, lo ah cun....

Hi mi ruahnak ah nan  
ralrin a tul, cu lole a  
netnak ah mithangsiatnak  
ih tawp a awlte.

Khi tawkah  
a um.

Cathianglim hi a dik  
asilole a diklo a si a tul.  
Kan nunphung thawn a  
rualrem mi lawng maw  
kan zum ding?

Nangmai lehdan lawng  
a dik tin na ruat maw si?  
Upapawl in nang hnakin  
a thuk mi thudik an  
thei sawn.

Thudik hi a thuk  
ringring maw?  
Cathianglim cu kan theih  
thei dingih pek mi a  
si lo maw si?

Asinan ziang tinkim hi a  
ngan vek cekci in kan la  
thei lo tiah TALMUD in a ti.



Hipa cu kan mahpawl thawn ni hnih a si zo. Fapa dang lam tak nan nei si.

Jesu, hmunkipah kan lo hawl rero. Ziangah so hi vekin in tuah?




Ziangah in hawl rero. Ka pai hna ka òuan ding ti nan thei lo maw si?



Hi tlukih Pathian thu thei nauhak zohman kan hmu dah lo.


“A pai hna a òuan” a ti mi hi ziang a ti duhsannak a si pei? A hawl rero tu a pa a sim duhnak a si pei maw?



A nu le pa thawn Jesu cu an tung ih an thu a lung hai Kut zungthiam hnenah a òuan ih taksa in si she, Thlarau in si seh a òang vivo.

Dingfelnak le midang hrang òatnak lawng a ngaihtuah ruangah zo hmuahhmuah in an duh cio. Mino dangpawl sual an tuah laiah Jesu cun a thinlung tak in Pathian thupekpawl a thlun.

Na tuah mi cu a òa ti men in a daih lo, Nazareth ah nang tluk ih kut zungthiam an um lo. Hi vek a dang paruk kan la bet ding.



Elizabeth cu Mary hnak in thlaruk in nau a nei hmaisa. Vancungmi in John ti ih a hmin sak dingin Zechariah hnenah a sim ih, anih in a ra ding mi Messiah hrangah mipi thinlung a timtuah ding. Hi thu cu a liam cia mi kum 500 lai ihsin prophet tampi in an rak phuang cia.

Nan sualnak zinih sin nan kir ding cun Pathian thu nan thlun ding. Pathian ram ahnai zo. Messiah cohlang dingih nan thinlung nan awng le, ti sungah ka lo baptize ding.


Asinan, ka dungih pakhat a ra ding pa cu, ka hnak in a ropi ih, ka um hlanpi ah a um zo mi a si. A nih cun ti thawn a lo baptize lo ding nan, Pathian thlarau thianghlim thawn a lo baptisze ding. Atlai hlanah nan sual sir uh.

John, ziang kan tuah ding? Midingfel si dingah Pathian in ziang in fial?



Angki zun hnih a neitu cun a nei lo hnenah pe seh. Ei ding a neitu cun a nei lo hnenah pe seh.

Mi zapi hrangah diknak hawl uh.




John, Pathian lungawiter dingah kannih a cozah hnatuantupawl in ziang kan tuah ding? Kei hi siahkhangntu ka si ih Nabal hi custom hnatuan a si.

Nawhthuh ei hlah uh. Nan office hi midang paisa einak ah hmang hlah uh. Nan tuah mi kipah dik zet le fel zet in tuah uh.



Kei hi na sakuapi khal ka si lo ih na mipunpi khal ka si lo nan Pathian lungawiter ka duh. Ziang ka tuah ding?

Na uk mipawl zoh sia hlah, rukru hlah a silole na dinhmun hi midang paisa le thilri laknak ah hmang hlah. Na hlawhsuak mi parah lungkim aw.



Asinan ka dung ih ratu cu kei hnakin a um hmaisa. Anih cun tidai si loin Pathian ih Thlarau thianghlim thawn baptisma a lo pe ding.

A tlai hlanah nan sualnak sungin rakirsal uh.




Messiah  
ka si lo.

Asilo, kei cu prophet  
Isaiah ih a sim mi Messiah  
hrangah lamzin tuah uh thih  
nelrawn ih auaw ka si.

Zoha na si ih Messiah  
thu na ra rel ve? Mi zo  
vekah ha na ruahaw?

Mipipawl Pathian  
hnenih hruaikirsaltu  
ding Moses ih a rak  
sim mi prophet  
na si maw?



Cuti asile kan sakhua  
thuneihnak thunah thuneihnak  
na nei maw? Zianguangah  
himi pawl baptisma na pek?

Kei cu Messiah-ih lamzin sialtu ding ih  
palai ka si, nannih cu rul cithalh nan si. Judah  
mi nan sinak le Abraham cithlah nan sinak  
ruangah Pathian fa kan si tiah maw nan ruat?

Nan puarthau nak le hngalnak sualnak pawl nan  
hlawn a tul. Hreitlung cu thingkungih hramah ret a  
si zo, nan thintlung nan thleng lo ahcun hau tuk nan  
si ding ih hremnak mei lipi ah hlawn nan si ding.

Pathian ih vancungmi in hitin in sim,  
thuro vekih Thlarau thianghlim a rung  
tum ka hmuh mi cu Israel-ih Messiah a  
si ding ih leitlun rundamtu a si ding.

John, Messiah a  
ra cing ding na ti. A rat  
tikah ziangtin na  
theithiam ding?



John in thlaruk sung thu a  
sim ih, Jesu cu kum 30 a si.


Hi can a thleng ding ti ka thei.  
Vancungmi Gabriel in i sim vekin  
riahsiatnak maksak ka tawng ding. Nan  
pupapawl in hi thil a cang mi hmuh  
hai seh la ka va duh ve.

Ziang na tuah ding?  
Ziangtin na thawk  
ding? Biakinn ah na  
feh ding Maw?

I hmusal ding  
ah na rakirsal  
pei maw?


Ka thei lo. Ka pa in in sim ding.  
John hnenah ka feh hmaisa ding ih  
baptisma in pe ding. Anih in mi tampi  
cu piantharak ah a timtuah zo a si.

Kirsal e, ka nu, ka lo  
hnawl lo ding ih na cak a tul. Ka  
parih thil thleng dingpawl hi na  
hrangah a awl lo ding.



Messiah hrangah timtuahaw uh. Nannih palepawl nan falepawl thinlung nan her a tul. Timtuah uh la, nan can le nan thazang kha Pathian dan zirnak ah hmanh uh. Thulung lo mi nan falepawl in nan nun tha an hmuh tikah palepawl hnenah an thinlung a her ding ih nan insang in damnak nan hmu ding.



Cumi cu nan thinlung a si ih Messiah nan thlun ding a si ah cun tidai sungah rung tum uh la sualsirnak baptisma ka lo pe ding, cun Messiah a rat tikah nan sualnak a lo ngaithiam ding.



John, kei teh baptisma in pe ve pei mav?


Nangmah in batisma in pe sawn aw la a tha ding. Nang cu midingfel na si.

John, Pathian dan zaten ka thlun theh a tul. Ka pa in mipipawl a fial vekin ka tuah ding.



Thuro! Thuro ka hmu!








Khui ah a feh zik?  
Kan ram in tlen lo ding mawsi?

A tikcu ah hniksакnak a tawn hmaisat a tul.


Ziang hniksакnak maw?

A dam le a cithlah hmuahhmuah cu an sung zo. Thimnak lal a tawn a tul.



Pa Pathian in a fapa Jesu cu ni sawmli sung rawlul ding in a sim. Ziang rawl hman a ei lo. A cak lo deuhdeuh vekin a pai thu lung lo ding le a rilrawnnak sawn diriamter ding in a thlem.

Minung hmaisabik Adam in Pathian thu a lun lo ruangah a sinak dinhmun a hloh. Jesu cu catuan minung a si nan tu ah cun a siat thei mi minung taksa thawn a um. Midang hmuahhmuah ih an neih lo mi thlemnak hi a nehsuak thei pei maw?



Ni sawmli sung rawlulhnak a cemnakh Jesu cu a ril a rawng ih a cau zet. Tu ah cun farah le rilrawn hi ziang a si ti a thei fiang. Dam lo, cak lo le hnawl mi si hi ziang vek a si ti a thei fiang.

Rinhlehnak le tihnak thinlung nei ding in Satan cun Jesu cu a thlem. Thlemnak can, Jesui thacauh can a cem zik thlang ti thei in Satan cu Jesui hmaiah a puanglang.



Pathian fa na si ih theihnak na nei a si.




Satan in minung hmaisabik Adam cu ei ding thawn a thlem vekin tu khalah minung fapa cu a rilrawn le a cauh laifang ah ei ding thawn a thlem.

Ni sawmli sung rawl ei lo mi rawl thawi thlem cu thlemnak taktak a si.




Hi lungto hi sang ah cangter aw la na rilrawnna tuar nawn hlah.



A si lo, ka ei lo ding, ziangah tile Cathianhlim in minung cu sang lawngin a nung lo, Pathian tawngkam sawn in a si tiah a ti.

Ra aw Pathian na thlun theinak hmun ah ka lo hruai ding.



Hi tawh ihsin na dawp ih vancungmi in an lo dawm a si ah cun mipipawl in an lo hmu ding ih Messiah ah an lo pawm ding. Cu mi hrangah na ra ti ka thei.

Vancungmi in an lo dawm ding ih lungto ah na ke na khawng lo ding. Tu hi na huham langter can a si.


Cathianhlim in na Patian hnicksak hlah a ti.

Lei tlun na duhdawt ih leitlun rundam dingah na ra ti ka thei. Curuangah na duh ding mi thil ka lo hmu ding.



Tu ah hitawk ihsin khawvel hruaitu lalrampawl ka hmu thei theh. A ropi ko lo maw? Adam in nan uknak a dungtun veten hi leilungpi hi kei mai ta a si. Minungpawl in tu le tu in pek cingcing.

A zaten kei mai ta an si. Kei cu leitlun pathian ka si, nang cu na si lo. Asinan thil pakhat na tuah asile a zaten ka lo pe ding. Na khukbil in in be aw la ka uknak ka bansan ding ih a sung um mi minung thawn na ta an si ding. Ziang e na tawng?.



**Cathianghlim in Jehovah Pathian lawng na be ding ih midang na be lo ding a ti. Na sung thla, tu rori ah hi tawkin tlan aw.**

Khrih hnen ihsin Satan a tlan. Satan in a bum thei lo mi a va tawkhrawk hi minung thuanthu ih a hmaisabik a si. Jesu in hniksaknak a neh zo. Tu ah leitlun in Pahtian hmaih pumhlum a hlanaw mi pa a nei zo.



Ni sawmli sung hniksaknak a cem zo nan Jesu cu a cau tuk ih a feh thei lo.



Vancungmipawl cu ti le rawl thawn a hnenah an ra ih an ra tuamhlawm. A taksa cakter a si huah John ih thusimnak hmun lamah a kirsal.